

Proinde huic defectui nostro veniam dabis (Lector) & ad celebrandum Nobilitatis ordinem politiciu[m] superpetias ferre dignaberis, locaque huiusmodi situmque ac nomina, qualitatemque eorum indicando, tuo id nobis decus erit. Orbiculi ex igui locorum quorumlibet verum situm indicant, atque hinc eorum distantia sumenda est. Ceterum his subinde signa adherent quibus internoscantur loca. Simples pagi solis orbiculis, ubi ornatui locus deest contenti sunt, castra quoties nota occurrunt exstante unco notamus hoc modo δ , conobia cruce sic δ , Opida, turres duas ut minimum duas habent, pagi nobiles unam. Hæc observavimus quatenus nobis fuerunt nota. Facilia porro factu signa ad has distinctiones sumpsimus, quo quilibet omnia facile supplere queat.

Siquis Longitudinem ac Latitudinem loci alicujus explore velit, ubi Meridiani paralleli sunt id efficiens, distantiam ejus a latere Tabulæ circino sumendo, circumque sic expansum ad aliud latus applicando. Si distantiam ab Orientali latere sumpsisti, circinus ex eodem latere in Septentrionali latere gradum & minutum Longitudinis ostendet. Sin a Boreo latere distantiam habes, ex eodem in Orientali latere latitudinem designabit. Cum vero Meridiani non fuerint paralleli eodem quidem modo loci Latitudo reperietur, at in universis Tabulis ubi paralleli sunt circulares, distantia loci a proximo parallelo sumpta idem in latere Orientali ostendet. Longitudo autem quaerenda erit filo aut regula loco superimposita versaque, donec in Boreo Australique latere idem utrimque ejusdem gradus minutum designetur, quodcumque tum illud erit, loci assumptæ Longitudo existet.

Milliaria in diversis regionibus multum subinde differunt, si ergo lubeat ea ad invicem comparare, eadem circino ad gradus Meridiani refer, & quot in uno gradu comprehendantur revoluto circino explora, videbis quot unius, quot item alterius Regionis milliaria gradum unum emittantur. Sic Germanica communia milliaria (quæ 15 sunt in uno gradu) quadrupla invenies Italicis communibus, & subdupla fere quibusdam Suevicis ac Westfalicis.

Nonnunquam occurret simplex linea orbulo annexa, sic $\circ \delta \circ$, ea nomen ad locum pertinens indicat, idcirco addita, ne in locorum pressura, quod cuique nomen debeat ambiguum fiat.

INDEX

